

東華錄

康熙七十一

王先謙敬編

臣周潤著恭校

康熙四十二年癸未春正月壬子諸王貝勒貝子公文武諸臣奏
今年三月十八日 皇上萬壽節正值五旬大慶茲 聖駕巡閱
南河臣等請於駕發之前豫行慶賀禮恭進鞍馬段匹等物 上
諭朕之誕辰爾等如此進獻在外督撫亦必效之朕必不受朕素
嗜文學爾諸臣有以詩文獻者朕當留覽焉既而大學士等及部
院諸臣恭進慶祝 萬壽無疆屏 上復卻之於是大學士等及
部院諸臣復以慶祝 萬壽屏文繕寫冊葉進呈奏曰臣等恭製
此屏皆數陳 皇上功德實事乞賜留覽得旨屏內所書之詞
俱已載在冊葉朕留冊葉卽與收屏無異此屏朕必不受也○壬
東華錄 康熙七十一

戊 上巡視南河啟鑾○丙寅諭大學士等齊世武自授甘肅巡撫所屬各官多被參劾署事竟至乏人其中有初任者亦有他省調補者果有不法自當參處若止小過則懲戒可耳○庚午 上過濟南府辛巡撫署中觀珍珠泉 御書三渡齊河卽事詩令懸署門示臣民出觀酌突泉○辛未 上駐蹕長清以近村居民火遣侍衛海青等賑之○壬申 上駐蹕泰安州登泰山○諭戶部朕兩次南巡路經東省見民生豐裕近再行齊魯存問民生似不及於前朕深懼恒今特加蠲恤用宏愛養車駕所過地方及東省歉收被水各屬去年錢糧通行蠲免其今年額賦仍分三年帶徵以稱朕殷阜黎元至意

二月丙子朔諭山東巡撫王國昌朕自泰安州見新泰蒙陰沂州鄒墟等處城郭鄉村黎民被災甚苦雖將正賦蠲免而見在乏食

尙屬無益徒有賑濟之名倉粟諒已盡竭又觀黎民顛面衣服朕心不勝憫惻更爲盡心籌畫以養蒙古之例施於山左庶幾青黃不接之際猶可度日命在京滿漢大學士九卿會議無論官民有情願效力者作速遣往山東不拘銀米同地方官分界賑濟以及降級革職人等有情願贖罪者亦准其贖罪俟秋成後視其果有裨益酌量議敘至該撫尤宜董率屬員善爲撫綏勿致流離務期副朕視民如子之至意○丁丑命運漕米四萬石賑濟甯兗州是日 上由宿遷縣渡中河閱隄工至宿遷縣渡黃河○戊寅 上偏閱徐家灣隄祥符等閘復細閱新河口登舟偏閱隄工至煙墩登岸諭河道總督張鵬翮觀黃河磯背壩太短不能偪溜今欲照永定河修長挑水壩何如張鵬翮奏曰永定河與黃河形勢不同黃河萬里而來勢大水深磯背加長一遇水發易致衝壞河官惟

恐賠修不敢接長 上曰試將一兩處作長挑水壩卽有衝壞免其賠補復徧叩煙墩等處顧張 翮曰煙墩甚險雖有越隄必須保守縷隄此處應建挑水壩○己卯 上自桃源縣登舟徧視河隄顧河道總督張鵬翮曰桃源煙墩至龍窩一帶隄工甚平矮壩行加高○庚辰諭河道總督張鵬翮曰清水自仲莊閘出口入於黃河偪溜使南其陶家莊以下楊家莊地方應挑濬引河令中河之水從此而出則於連口有益著卽相度形勢估計俱奏其仲莊石閘著暫停修築又諭張鵬翮曰歸仁隄引河用以分洩洪澤湖之水勢若黃水加長則恐清口水弱者將祥符閘下板堵閉草壩將五堡閘酌量開放以助清水之勢○諭扈從永定河分司齊蘇勒曰朕觀黃河險要地方應下挑水掃壩見今永定河朕親指示挑水壩俱有裨益爾遵照朕指示式樣前往煙墩九里岡龍窩三

處築挑水壩數座試看有無裨益雖被衝壞無妨完工之日令該
地方官盡心防守如有蝨陷不時修葺可將此旨傳諭河道總督
張鵬圖速派賢能官員令其多備物料夫匠於朕圖畫之前完工
需用錢糧與爾無涉不可經手工完將用過錢糧記明具奏如遇
桃汛水發卽行停止○壬午 御舟過邵伯更樓諭河道總督張
鵬圖曰此地舊日被災形狀與今山東無異豈朕今日觀此地安
居景象而忘山東之饑民乎朕念運糧賑濟事不可緩乘今日順
風爾作速回清江浦料理轉運截留漕糧差官前往山東散賑至
距揚州十五里沙壩橋河道情形朕自細閱回鑾時諭爾知之○
甲申 御舟渡江登金山江天寺○丙戌 上臨幸蘇州賽廟從
大臣及侍衛護軍執事人等白金有差○陝西岷州衛崇隆寺等
五寺番僧進貢○丁亥遣官薦原任大學士宋德宜墓 係沅巡

撫趙申喬來朝命大學士馬齊張玉書傳諭曰湖南地方介在邊遠之境聞向來官吏積習相仍無藝私徵種種不一計每歲科派有較正額賦增至數倍者有司徵收錢糧加取火耗又視別省爲獨重百姓窮蹙不支多致流離轉徙非將宿弊逐一剔除無以砥礪官方大甦民困除從前已往諸事姑免察究外爾到地方嚴飭大小屬員痛改前非洗心奉職力減加耗盡革私徵務使流徙者復返鄉閭守業者獲安隴畝庶副朕軫念遠省民生至意如仍有藐法不遵重爲民害者卽據實糾參從重治罪決不輕宥○庚寅上臨幸杭州閱駐防官兵○癸巳上回鑾遣領侍衛內大臣阿靈阿等閱錢塘江○乙未諭大學士等趙申喬分文不取信然但朕臨幸杭州諮訪百姓言趙申喬好收詞訟民多受累大凡居官體清廉尤必和平始爲盡善如果好受詞訟刁民與

訟者必多縱使卽爲審理其被訟之人一家產業已蕩然矣如此民何以堪聞阿山亦喜受民詞總之爲總督者以安靜不生事爲貴耳○丁酉召大學士等議曰觀近日南方風景民間生殖較之康熙三十八年南巡時似覺豐裕大約地方督撫安靜而不生事卽於民生有益儻徒恃才幹不體下情以此爭先出衆民必受其殃矣所以朕於扈從人等恐其生事時屢於懷諸事惟務謹慎不時嚴禁儻朕欲將州縣官員日加驅使未爲不可所以不忍爲者亦因體恤微員耳今總督巡撫能如此體恤者甚少又諭曰趙申喬居官誠清但性喜多事所以小民反致受累較之張鵬翮李光地徐潮則趙申喬甚爲偏淺矣○辛丑 上臨幸江甯○壬寅遣大學士馬齊祭明太祖陵○賚扈從侍衛護軍及駐防官兵

三月戊申 上偏閱高家堰翟家壩等堤工諭河道總督張鵬翮

王家營對面鮑家營應開挑引河洩黃河汎漲之水以保清江淮安地方著卽行興工仍兩岸築隄以衛民田○己酉 上閱黃河南岸龍窩煙墩等隄復渡黃河閱九里岡等隄○庚申 上還京師○辛酉 上召大學士九卿等諭曰朕此番南巡徧閱河工大約已成功矣曩者河道總督于成龍未曾遵朕指授修築故未能底績今張鵬翮一一遵諭而行向來黃河水高六尺淮河水低六尺不能敵黃所以常患淤墊今將六壩堵閉洪澤湖水高力能敵黃則運河不至有倒灌之患此河工所以能告成也又沿途諮詢地方官直隸巡撫李光地河南巡撫徐潮居官皆優山東巡撫王國昌江蘇巡撫宋犖俱安靜福建巡撫梅錦江西巡撫張志棟亦優廣東巡撫彭鵬誠爲有守浙江巡撫張泰交雖屬新任亦優趙申喬當其任布政使時朕河信其不取及任巡撫好受詞訟則朕

難信矣甘肅巡撫齊世武賦性褊急好行參劾凡爲大吏者當寬大和平正己率屬宥其小過以漸訓勵使勉爲循良豈可恣意以參劾爲事乎又諭曰朕御極以來無時不以民生爲念雖纖微之事亦不肯稍有怠忽勤勞已四十餘年矣今海內奠安民生富庶而河工滴又告成朕又頒詔天下大沛恩賚故星夜還轡詔內款項爾等可會同詳閱○癸亥詔曰朕爲天下生民主宵旰勤勞勵精圖治凡國家之休戚閭閻之樂利晷刻間無不注意於此天下之大兆民之衆朕誰欺欺天乎今四十餘載親歷饑饉者不知其幾南北用兵者不知其幾人心向背者不知其幾天變地震者不知其幾目維涼德不能撫育履冰臨淵兢業慎守仲賴上天眷佑祖宗德厚幸生創業未久之際方免失墜今海寓昇平年歲稍和生民俱已樂業邇來諸王大小臣工士庶因朕五旬輿情晚

切屢誨加上尊號朕堅意固辭不允所請蓋朕不以名譽稱揚爲
尚惟以海內富庶爲心屢蠲賦役屢省刑罰總欲使老安少懷風
俗淳厚漸幾於康乂隆平之治近因准黃告成乃東南要務再授
方略望有善後朕不辭勞瘁親往閱視見畿輔山左浙江等省耆
老人民俱中心愛戴雖童穉亦咸歡欣瞻仰是知民心皆一用是
益深軫念視切如傷所以星夜還轡茲特大沛洪恩普施遐邇庶
幾民生咸登壽域和協徧滿寰區諸王以下文武官員俱加恩賜
軍民年七十以下者免其子一人徭役八十以下者與絹一疋綿
一斤米一石肉十斤九十以上者倍之雲南貴州四川廣西毋出
明年賦祭孝義恤困窮舉遺逸罪非常赦不原者皆赦除之○庚
午宗人府奏信郡王鄂札薨食鄂札係承襲伊祖豫通郡王多鐸
封爵請以多鐸次妃所生之子原任都統董額襲封從之○禮部

議准欽天監奏東至野索西至雅爾堅自北極高四十四度之巴爾庫爾河以至北極高六十八度之武地河等處皆宜增衍厥書照四十四度之表式推至六十八度進呈 御覽從之○辛未上御經筵是日 親視和碩裕親王福全疾○甲戌諭大學士等舉人汪灝何焯蔣廷錫學問優長今科未得中式著授爲進士一體殿試

夏四月辛巳賜王式丹等一百六十三人進士及第出身有差○丙戌四川巡撫貝和諾奏威州龍溪等十八寨生番歸化情願自康熙四十二年爲始赴威州交納麥糧下戶部知之○丁亥大學士熊賜履以年老乞休命以原官解任仍食俸留京師備顧問○吏部兵部會議吏部侍郎傅繼祖等往湖廣察審紅苗搶掠一案地方官隱匿不報是實應將總督鄂璆提督林本植巡撫金璽總

兵官雷如俱革職得旨總督郭琇提督林本植著革職巡撫金璽著降四級調用總兵官雷如著革職留任效力○癸巳予故致仕保和殿大學士王熙祭葬諡文靖○丙申以陳廷敬爲文淵閣大學士兼吏部尚書由吏部尚書遷○戊戌上發出熊鵬履呈覽明神宗熹宗以下史書四本論大學士等朕自冲齡卽每事好問明時之太監朕皆及見之所以彼時之事朕知之甚悉太監魏忠賢惡迹史書僅記其大略而已猶未詳載也明末之君多有不識字者遇講書則垂幔聽之諸事皆任太監辦理所以生殺之權盡歸此輩也又諭此書所載楊漣左光斗死於北鎮撫司獄中聞此二人在午門前受御杖死太監等以布裹屍出之至於隨崇禎殉難者乃太監王承恩因此世祖章皇帝作文致祭並立碑弔此書載太監王之心從死明係錯誤至於本朝興兵聲討之故書並未記載

可問熊賜履王鴻緒等尋大學士等覆奏熊賜履奉旨復行詳察崇禎死難太監果係王承恩非王之心應遵照諭旨改正至於左光斗楊漣察考諸書俱云死於北鎮撫司獄中故照彼書書之我太祖高皇帝興師之由詳載太祖本紀是以明史內未曾載

入上曰太祖興師之故雖不詳載明史記其大略未始不可○謚大學士等朕頃往祭河工原任侍郎任克溥於山東途次迎駕見其年將九十見在諸臣未有如其久者朕深爲眷念著加刑部尚書銜以示優遇老臣至意○諭今吏部尚書缺尚未補入巡撫李光地徐潮原在內任歷年亦久早應擢用朕因地方起見所以暫留在任伊等居官誠優且得大臣體諒趙申喬行事偏執惟務沽名所以事皆背謬李光地自任直隸巡撫以來每年雨水調順五穀豐登官吏兵民無不心服吏部尚書員缺以李光地徐

潮間九卿尋大學士等問九卿言二人俱饒覆奏 上命李光地

爲吏部尚書仍管直隸巡撫事○以喻成龍爲湖廣總督

由安徽巡撫遷

○己亥諭八旗都統前鋒統領護軍統領副都統參領佐領等朕

爲官民生計不時座念前已屢施大澤今年詔款內復特沛鴻恩

不惜數百萬帑金徧行賞賜嗣後軍卒人等應人人務立生計清

償逋欠豐裕度日儻有不肖之輩不思撙節儉約惟知縱酒酣臥

鮮衣肥馬過於費用則不數日間仍如未沛恩澤時爾等俱有督

率之責不富徒以督率爲名亦當誘之向善使人人以孝弟爲本

各知自守愛惜產業則不特風俗可致淳樸而朕惜兵之心亦不

至徒勞矣可將此旨刊刻徧示軍卒人等受朕重恩如此仍行賄

博行止不端朕斷不輕貸必將爲首者立正典刑以念切兵民生

計是以親書諭旨欽哉○壬寅以勵杜勳爲刑部右侍郎

由左副都御史

遷

五月戊申諭禮部國子監文廟見敕官員動帑金修理順天府學尊經閣等處亦著一併督修用宏文教○己酉以陳論爲左副都御史

由少詹事遷

○壬子

上親視裕親王福全疾○乙卯諭大學士

等直隸各省總督巡撫提督總兵官於補用千總等官秉公者少除加級稍優長者俱以錄用外其餘年滿千總馬步射未必皆能馬步射向且不能豈可令之管轄軍士著行文各省諭此項人員限於冬季前到京命大臣監試優者錄用不堪者革退限內不到者卽令除名可諭兵部知之○己未 上再親視裕親王福全疾

○壬戌領侍衛內大臣和碩額駙尙之隆等傳 上諭觀索額圖並無後悔之意背後怨尤議論國事伊之黨類朕皆訪知阿米達麻爾圖額庫禮溫侍郎甘佟寶伊等結黨議論國事威嚇衆人且

索額圖施威恐嚇舉國之人盡懼索額圖乎亦有不懼者乎即今索額圖家人已將伊告發索額圖能殺害乎至溫待額庫禮俱犯重罪流徙之人因其年老令還京師伊等應安靜以度餘年乃與索額圖結黨議論國事妄自怨尤伊等之黨俱屬利口愚昧無知之徒被伊等恐嚇遂極畏懼果至可殺之時索額圖能殺人或被人殺俱未可料雖口稱殺人被殺者誰乎至索額圖之黨漢官亦多朕若盡指出俱至滅族朕不嗜殺人嗣後爾等若與索額圖絕交將所行之事舉出尚可不然被索額圖株連必如噶褚哈爾思哈被滅族之禍索額圖之黨阿米達額庫禮溫待麻爾圖阿寶邵甘之同祖子孫在部院者俱查明革退副都統佟寶不在家俟到時再傳諭此旨著曉諭門上大臣與衆侍衛等爾等若在索額圖處行走必被索額圖連累致死○先是 上以本科會試廣東舉

人未經取中命九卿議嗣後會試脫科之省作何補取之法至是九卿議嗣後會試揭曉後如有脫科之省將未中式試卷交正副主考檢閱揀選進呈取中一二名從之○癸亥諭刑部額庫禮溫待麻爾圖邵甘等俱係問罪充發之犯念其年老取還京師伊等至京並不善養餘年與索額圖結黨議論國事俱著鎖禁不可疏放阿米達姑念年老舊臣著寬恕命近御侍衛海青乾清門侍衛武格馬武傳諭索額圖爾家人告爾之事留內三年朕有見爾之意爾前無悔過之意背後仍怨尤議論國事結黨妄行爾背後怨尤之言不可宣說爾心內甚明舉國俱係受朕深恩之人若受恩者半不受恩者半即俱從爾矣去年皇太子在德州住時爾乘馬至皇太子中門方下即此是爾應死處爾自視爲何等入此處問公福善即知爾任大學士時因貪惡革退後朕復起用爾前不思